



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; e-пошта: jtbd@jtbd.ba

Broj: T18 0 KT 0018023 24
Brčko, 01.11.2024. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

G. H. [...]

Što je:

1. Dana 06.10.2024. godine, oko 20.00 časova, došao u dvorište stambenog objekta koji se nalazi u ulici Miroslava Krleže na broju ..., Brčko distrikt BiH, u kojem su nastanjeni S. R. 1, S. R. 2 i D. R., te s ciljem pribavljanja protivpravne imovinske koristi, svjestan da oduzima tuđe stvari, što je i htio, sa sušila na kom se nalazila sportska oprema koja se sušila, oduzeo donji dio trenerke plave boje marke „Nike“, duks zelene boje marke „Nike“, duks ljubičaste boje i donji dio trenerke ljubičaste boje, vlasništvo S. R.2, ukupne vrijednosti oko 480,00 KM, nakon čega se s oduzetim stvarima udaljio u nepoznatom pravcu, čime je za sebe pribavio protivpravnu imovinsku korist u vrijednosti oduzetih stvari, a za isti iznos oštetio vlasnika S. R.2,

dakle, oduzeo tuđe pokretne stvari s ciljem da njihovim prisvajanjem pribavi sebi protivpravnu imovinsku korist,

2. Dana 07.10.2024. godine, oko 03.40 časova, došao do sporednih ulaznih vrata advokatske kancelarije advokata D. O, koja se nalazi u ulici Miroslava Krleže broj ..., Brčko distrikt BiH, te svjestan da upotrebom podesnog predmeta može oštetiti navedena vrata, što je i htio, upotrebom podesnog predmeta načinio oštećenja na vanjskom dijelu ležišta cilindričnog uloška brave na krilu vrata, na ivici krila, kao i na štoku navedenih vrata u predjelu oko učvršćivača brave, čijim djelovanjem je učinio štetu vlasniku D. O. u neutvrđenom iznosu,

dakle, oštetio tuđu stvar,

3. Dana 07.10.2024. godine, oko 04.50 časova, došao do advokatske kancelarije advokata M. I, koja se nalazi u ulici Branka Radičevića na broju ..., Brčko distrikt BiH, te s ciljem pribavljanja protivpravne imovinske koristi, svjestan da oduzima tuđe stvari, što je i htio, ušao kroz otključana vrata navedene kancelarije, odakle je oduzeo dvije boce alokolnog pića „Stock 84“, jedna boca alkoholnog pića „Asbach“, jedna boca alkoholnog pića „Skenderbeg“, jedna boca alkoholnog pića „Mariacron“, jedna boca alkoholnog pića „Ballantines“, jedna boca alkoholnog pića „Martell“, jedna boca alkoholnog pića „Vigor“, jedna boca alkoholnog pića „Woodford reserve double oaked“, jedna boca alkoholnog pića - vino „Dečansko“, kao i jedan parfem brenda „Versace“ i jedan parfem brenda „Lacoste“, te izvjesnu količinu hrane, ukupne vrijednosti oko 800,00 KM, nakon čega je oduzete stvari stavio u ruksak i s oduzetim stvarima otišao u ulicu Branka Radičevića, a nedugo potom i u ulicu Miroslava Krleže, čime je za sebe pribavio protivpravnu imovinsku korist u vrijednosti oduzetih predmeta, a za isti iznos oštetio vlasnika M. I.,

dakle, oduzeo tuđe pokretne stvari s ciljem da njihovim prisvajanjem pribavi sebi protivpravnu imovinsku korist,

4. Dana 07.10.2024. godine, oko 05.16 časova došao do stambeno – poslovne zgrade koja se nalazi u ulici Miroslava Krleže na broju ..., Brčko distrikt BiH, te s ciljem pribavljanja protivpravne imovinske koristi male vrijednosti, svjestan i u namjeri da oduzme tuđu stvar obijanjem, što je i htio, kroz nezaključana ulazna vrata navedene zgrade ušao u haustor, odakle je oduzeo muški bicikl marke

“Arinos” crne boje, vlasništvo A. M., vrijednosti oko 300,00 KM, na način da je upotrebom podesnog predmeta obio bravicu koja je obezbjeđivala bicikl, nakon čega se s oduzetim biciklom udaljio u nepoznatom pravcu, čime je za sebe pribavio protivpravnu imovinsku korist u vrijednosti od oko 300,00 KM, a za isti iznos oštetio vlasnicu A. M.,

dakle, ulaskom u zatvoreni prostor i obijanjem oduzeo tuđu pokretnu stvar s ciljem da njenim prisvajanjem pribavi sebi protivpravnu imovinsku korist male vrijednosti,

5. U vremenskom periodu od 02.08.2024. godine pa do dana 07.10.2024. godine, s ciljem pribavljanja protivpravne imovinske koristi, svjestan i u namjeri da oduzme tuđe stvari provaljivanjem, što je i htio, došao do stambenog objekta koji se nalazi u ulici Skendera Kulenovića na broju ..., Brčko distrikt BiH, vlasništvo nasljednika umrlog Š. R, E. K. i V. B, te u donjem dijelu ulaznih vrata načinio prostor i upotrebom fizičke snage i podesnog predmeta slomio gornji učvršćivač fiksnog krila vrata, nakon čega je ušao u unutrašnjost ovog objekta, odakle je oduzeo jedan tablet marke „Samsung“ model A9 + 5G, vrijednosti oko 380,00 KM, mobilni telefon marke „Samsung“ model S5, vrijednosti oko 150,00 KM i mobilni telefon marke „Samsung“ model S6, vrijednosti oko 200,00 KM pretplatničkih brojeva ... i ..., televizor marke „Philips“ crne boje, vrijednosti oko 700,00 KM i jednu žensku torbu crne boje, brenda „Karl Lagerfeld“ vrijednosti oko 100,00 KM, jedna ženska torbica bijelo – bež boje, neutvrđene vrijednosti, kutiju od resivera marke „Amiko“ u kojoj se nalazi resiver s daljinskim i pripadajućim kablovima, neutvrđene vrijednosti i jedan zlatni privjesak ovalnog oblika, vrijednosti oko 200,00 KM, na kojem mjestu je dana 07.10.2024. godine oko 23.40 časova zatečen od strane policijskih služebika Policije Brčko distrikta BiH, koji su ga potom lišili slobode, čime je za sebe pribavio protivpravnu imovinsku korist u iznosu od oko 1.500,00 KM, a za navedeni iznos oštetio nasljednike umrlog Š. R, njegove kćerke E. K. i V. B.,

dakle, provaljivanjem došao do stvari iz zatvorenih prostorija i oduzeo ih drugome, s ciljem da njihovim prisvajanjem pribavi sebi protivpravnu imovinsku korist,

čime je pod tačkama 1, 3., 4. i 5. učinio produženo krivično djelo Teška krađa iz člana 281 stav (1) tačka (1) u vezi sa članom 55 Krivičnog zakona Brčko distrikta BiH, dok je pod tačkom 2. učinio krivično djelo Oštećenje tuđe stvari iz člana 287 stav (1) Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.
